

S T A T U T I
I SHOQËRISË ME PËRGJEGJËSI TË KUFIZUAR
“ DONIKA OLIVE OIL”sh.p.k

Sot, më datë 10.07.2023, unë, **BIANTI DANAJ**, atësia Sadrit, amësia Erida, shtetas Shqiptar, lindur në Ft.Lauderdale, Shtetet e Bashkuara te Amerikes (USA) dhe banues në VLORË, me adresë Nermin Vlora Falaski 04140317; Nd. 34; H. 2; Ap. 7; Vlorë; Vlorë; 9402; Vlorë, lindur më 02/07/2002, gjendja civile “beqar”, madhor, me zotësi të plotë juridike për të vepruar, me Leternjoftim ID nr. 037270256 dhe nr. personal K20702073B.

V e n d o s a

të miratoj këtë Statut për krijimin e Shoqërisë me Përgjegjësi të Kufizuar “**DONIKA OLIVE OIL**” në përputhje me Ligjin №. 9901, datë, 14.04.2008 “Për Tregtarët dhe Shoqëritë Tregtare”, si dhe të dispozitave të tjera ligjore në fuqi në Republikën e Shqipërisë, sipas dispozitave që

v i j o j n ë :

Neni 1.

1.1 Themelues i Shoqërisë jam unë, **BIANTI DANAJ**, me gjeneralitetet si më sipër.

Neni 2.

2.1 Shoqërinë e krijoj sipas llojit: - Shoqëri me Përgjegjësi të Kufizuar.

Neni 3.

3.1 Emërtimi i Shoqërisë është: Shoqëria “**DONIKA OLIVE OIL**” – Shoqëri me Përgjegjësi të Kufizuar ose shkurt: “Shoqëria “**DONIKA OLIVE OIL**” – SH.P.K.” që, në mjaft raste, në dokumentet e krijimit të saj, do të shkruhet edhe më shkurt: “Shoqëria” ose “**DONIKA OLIVE OIL**”.

3.2 Shoqëria ka të drejtën e ndryshimit të emrit dhe të përgjegjësisë, duke bërë regjistrimet përkatëse në Qendrën Kombëtare të Biznesit.

3.3 Selia e Shoqërisë është: Vlore, Lagjia "Pavarësia" Kulla e parë tek Rrethi Skelë kati 2.

Telefoni: +355697016911

e-mail: biantidanaj@gmail.com

3.4 Shoqëria do të regjistrohen në Qendrën Kombëtare të Biznesit në përputhje me Nenin 22 e në vijim të Ligjit №.9723, datë 03.05.2007 “Për Qendrën Kombëtare të Biznesit”.

3.5 Shoqëria e fiton personalitetin e saj juridik qysh nga data e regjistrimi të saj në Qendrën Kombëtare të Biznesit.

3.6 Shoqëria përgjigjet me të gjitha aktivet e saj për detyrimet që rrjedhin nga veprimtaritë e ushtruara.

3.7 Shoqëria është themeluar më datën, 10.07.2023 (Dy mijë e njëzet e tre).

Neni 4.

Kohëzgjatja

4.1 Shoqëria do të funksionojë për një periudhë kohore të pa kufizuar.





Neni 5.
OBJEKTI I VEPRIMTARISE

Objekti.

Promovimi, Eksporti dhe Shitja e Vajit te Ullirit Organik Ekstra te Virgjer "Kalinjot" si dhe produkte te tjera me perberje bio ne tregun boteror.

Shërbimi në ulla të kalinjotë dhe përmirësimin e tyre me krijimin e kushteve optimale për prodhim.

Rritja e prodhimit të produkteve të tjera në kushte sa më cilësore dhe kapjen e tregut me etiketën e zones autoktone. Zhvillimi i agroturizmit me produktet bio të prodhuara në këtë zonë. Rritja e nivelit ekonomik të fermerëve që punojnë me ullirin kalinjot dhe produkte te tjera bio/organike. Import-Eksport.

Përpunimin e ullirit për prodhimin e artikujve të ndryshëm ushqimor, kozmetikë, farmaceutikë etj.

Neni 6.

Kapitali i Shoqërisë "DONIKA OLIVE OIL"sh.p.k

Kapitali Themeltar

Kapitali themeltar i shoqërisë është 100.000 (njëqind mijë) lekë, i përbërë nga 1 kuotë.

BIANTI DANAJ zotëron 100 % (njëqind) te kapitalit themeltar te shoqërisë, e barabartë me 1(një) kuotë e barabartë me 100.000 (njëqind mijë) lekë.

Neni 7.

Zmadhimi dhe zvogëlimi i kapitalit

7.1 Në përputhje me kushtet dhe ecurinë e veprimtarisë së Shoqërisë, si dhe me vendim të administratorit dhe përfaqësuesit të saj, shoqëria mund ta zmadhojë ose ta zvogëlojë kapitalin në përputhje me dispozitat ligjore në fuqi.

7.2 Si zmadhimi, ashtu edhe zvogëlimi i kapitalit, regjistrohen në Qendrën Kombëtare të Biznesit dhe kudo gjetkë që të jetë e nevojshme, si dhe publikohet sipas dispozitave ligjore në fuqi dhe ato të këtij statuti.

Neni 8.

Themelimi i Shoqërisë

8.1 Shoqëria me Përgjegjësi të Kufizuar "DONIKA OLIVE OIL"sh.p.k, pas miratimit të Kontratës (Aktit të themelimit) dhe Statutit nga themeluesi i saj, quhet e krijuar në përputhje me dispozitat e Ligjit №.9901, datë, 14.04.2008 për "Tregtarët dhe shoqëritë tregtare".

8.2 Shoqëria regjistrohet në Qendrën Kombëtare të Biznesit në përputhje me dispozitat e Ligjit №. 9723, datë 03.05.2007 "Për Qendrën Kombëtare të Biznesit".


8.3 Gjatë veprimtarisë së saj, shoqëria do të krijojë një faqe të saj në internet. Të dhënat, të cilat regjistrohen pranë Qendrës Kombëtare të Biznesit, do të publikohen në këtë faqe për t'u vënë në dispozicion të Institucioneve dhe personave të interesuar.

Neni 9.

Regjimi juridik.

9.1 Në të gjithë veprimtarinë e saj në territorin e Republikës së Shqipërisë, Shoqëria udhëhiqet nga legjislacioni në fuqi dhe, veçanërisht nga dispozitat e Ligjit №.9901, datë, 14.04.2008 "Për Tregtarët dhe Shoqëritë Tregtare".

Bytyq



9.2 Për çdo çështje që nuk trajtohet në këtë legjislacion dhe realizohet në territorin e Republikës e Shqipërisë, zbatohen dispozitat e Kodit Civil të Republikës së Shqipërisë, praktikat tregëtare, si dhe praktikat lokale ose të veçanta, të cilat marrin përparësi ndaj praktikave të përgjithshme.

9.3 Me vendim të administratorit dhe përfaqësuesit ligjor në marrëdhënie me të tretët, regjimi juridik i Shoqërisë mund të ndryshojë në qoftë se në të ardhmen krijohen premisa më të favorshme për funksionimin e saj sipas legjislacionit shqiptar në fuqi. Në këtë rast, ortaku i vetëm i Shoqërisë, do ta përshtasë si Aktin e Themelimit (Kontratën), ashtu edhe Statutin e Shoqërisë, si dhe do të bëjë depozitimet përkatëse si në Qendrën Kombëtare të Biznesit, ashtu edhe në dokumentet që mbahen në selinë e saj.

9.4 Shoqëria gëzon mbrojtje dhe sigurim të plotë në përputhje me dispozitat ligjore në fuqi, të Ligjit “Mbi investimet e huaja”, si dhe të marrëveshjeve të bëra gjër më sot dhe të atyre që do të bëhen në të ardhmen midis Republikës së Shqipërisë dhe vendeve të tjera.

9.5 Shoqëria mund të marrë përsipër detyrime, si dhe e padisë dhe të paditet përpara organeve kompetente gjyqësore, si në Gjykatën e Rrethit Gjyqësor, Vlorë, ashtu edhe në gjykatat e vendeve të tjera ku do ta ushtrojë veprimtarinë e saj të lirë private.

9.6 Në marrëdhëniet juridike me persona të tretë, Shoqëria del në emër dhe llogari të vetë.

Neni 10.

Përgjegjësia e themeluesit.

10.1 Personat që veprojnë në emër të shoqërisë, përpara se kjo të fitojë personalitetin juridik, përgjigjen personalisht dhe në mënyrë solidare për veprimet e kryera në emër dhe për llogari të saj. Me fitimin e personalitetit juridik, të drejtat dhe detyrimet që rrjedhin nga këto veprime i kalojnë shoqërisë.

10.2 Themeluesi i Shoqërisë jep kontributin përkatës në shoqëri. Ai përgjigjet ndaj shoqërisë personalisht për dëmet e shkaktuara nga mospërbushja e detyrimeve apo nga përmbushja e tyre përtej afateve përkatëse.

Neni 11.

Degët dhe zyrat e përfaqësimit

11.1 Personat përgjegjës për administrimin e shoqërisë mund të vendosin hapjen e degëve dhe/ose të zyrave të përfaqësimit të shoqërisë në vende të ndryshme.

11.2 Degët kanë të njëjtin personalitet juridik me shoqërinë. Ato veprojnë në mënyrë të qëndrueshme, organizohen dhe administrohen më vete dhe ushtrojnë veprimtari me palë të treta, në emër të shoqërisë.


11.3 Zyrat e përfaqësimit nuk kanë si qëllim krijimin e të ardhurave, por nxitjen e veprimtarisë së shoqërisë. Këto zyra mund të lidhin marrëveshje në emër e për llogari të shoqërisë, sipas të drejtave dhe kompetencave të dhëna nga organet drejtuese të saj.

Neni 12.

Të dhënat në korrespondencat dhe dokumentet e tjera të veprimtarisë.

12.1 Të gjitha shkresat, formularët e urdhërave apo çdo dokument tjetër korrespondence, të nxjerra nga shoqëria, nga degët apo zyrat e përfaqësimit,





nëpërmjet përdorimit të letrës ose mjeteve elektronike, duhet të përmbajnë të dhënat e mëposhtme: Numrin unik të identifikimit; formën ligjore të shoqërisë; vënd-ndodhjen e selisë së regjistruar dhe atë të zyrës qendrore të saj, si dhe të dhëna në qoftë se shoqëria është në “likuidim” apo “falimentim”.

12.2 Me krijimin e faqes në internet, këto të dhëna duhet të pasqyrohen edhe aty.

12.3 Shoqëria përgjigjet për vërtetësinë e të dhënave të deklaruara.

12.4 Shoqëria do të përfaqësohet sipas rregullave të përcaktuara nga Ligji “Për tregtarët dhe shoqëritë tregtare”, nga dispozitat e këtij Statutit, si dhe nga dispozitat e tjera ligjore në fuqi. Përfaqësimi ligjor i shoqërisë është i vlefshëm për çdo veprim gjyqësor apo jashtëgjyqësor.

12.5 **Administratori** i Shoqërisë “**DONIKA OLIVE OIL**”sh.p.k në marrëdhënie me të tretët (brënda dhe jashtë vendit) është: **BIANTI DANAJ**.

Neni 13.

E drejta e informimit

13.1 Personat përgjegjës për administrimin e shoqërisë informojnë ortakun e vetëm (administratorin) për ecurinë e veprimtarisë së shoqërisë tregtare dhe, me kërkesën e tij, duhet t'i vënë në dispozicion llogaritë vjetore, raportet për gjendjen dhe ecurinë e veprimtarisë së shoqërisë, raportet e organeve drejtuese apo të ekspertëve kontabël të autorizuar, si dhe çdo dokument tjetër të brendshëm të shoqërisë, me përjashtim të atyre që përbëjnë sekret sipas nenit 18 të Ligji “Për tregtarët dhe shoqëritë tregtare”.

Neni 14.

Abuzimi me detyrën dhe formën e shoqërisë

14.1 Ortaku i vetëm i shoqërisë, administratori, si dhe çdo anëtar tjetër i saj, që kryejnë një apo më shumë nga veprimet ose mosveprimet vijuese, përgjigjen personalisht e në mënyrë solidare për detyrimet e shoqërisë, sipas dispozitave ligjore në fuqi, në qoftë se:

- a) abuzojnë me formën e shoqërisë tregtare për arritjen e qëllimeve të paligjshme;
- b) trajtojnë pasuritë e shoqërisë tregtare si të ishin pasuritë e tyre;
- c) në çastin kur kanë marrë apo duhet të kishin marrë dijeni për gjendjen e paaftësisë paguese të shoqërisë, nuk marrin masat e nevojshme, për të siguruar shoqërinë, që në vartësi të llojit të veprimtarisë së ushtruar, të ketë kapitale të mjaftueshme, për të realizuar detyrimet e marra përsipër ndaj palëve të treta.

Neni 15.


Ndalimi i konkurrencës

15.1 Ortaku, administratori(ët) dhe anëtarët e organeve të drejtimit të shoqërisë nuk mund të mbajnë një funksion drejtues apo të jenë të punësuar në shoqëri të tjera, që ushtrojnë veprimtari në të njëjtin sektor ekonomik me shoqërinë e parë. Gjithashtu, këta persona nuk mund të mbajnë statusin e tregtarit për të ushtruar veprimtari në këtë sektor.

Neni 16.

Ruajtja e sekretit.





16.1 Çdo person tjetër që merr dijëni për të dhëna me karakter sekret për shoqërinë, është i detyruar që të mos e nxjerrë tek të tretët.

16.2 Përveç dispozitave ligjore në fuqi për nocionin e “sekretit”, ortaku i Shoqërisë (administratori dhe përfaqësuesi ligjor në marrëdhënie me të tretët) e përcakton edhe vet llojin e të dhënave dhe të informatave që konsiderohen sekrete për shoqërinë.

Neni 17.

Mënyrat e fitimit dhe kalimit të kuotave

17.1 Kuotat e shoqërisë dhe të drejtat që rrjedhin prej tyre, mund të fitohen apo kalohen nëpërmjet: kontributit në kapitalin e shoqërisë, në çastin e formimit të shoqërisë; shitblerjes; trashëgimisë; dhurimit, si dhe të çdo mënyre tjetër të parashikuar me ligj.

17.2 Kuotat dhe të drejtat e fituara si më sipër nuk mund të ushtrohen nga askush, përpara se veprimi të jetë regjistruar në regjistrin e posaçëm të kuotave, që mban shoqëria, në përputhje me dispozitat ligjore.

17.3 Shoqëria mban një regjistër të posaçëm, ku regjistrohen të dhënat e zotëruesve të kuotave të shoqërisë, si: emri e mbiemri i ortakut, vlera nominale e kuotës, adresa e banimit, data e kryerjes së regjistrimit, si dhe çdo e dhënë tjetër e domsdoshme.

17.4 Administratori(ët) është (janë) përgjegjës për mbajtjen e regjistrit të kuotave. Informacioni i regjistrit të kuotave duhet të publikohet në faqen e internetit të shoqërisë. Shoqëria mund të lejojë regjistrimin on-line të të dhënave, që duhen regjistruar sipas ligjit.

Neni 18.

Vazhdimi i shoqërisë nga trashëgimtarët

18.1 Në rast vdekjeje të ortakut (ortakëve), kuotat e kapitalit që ai ka në Shoqëri u kalojnë trashëgimtarëve ligjorë të tij, respektivisht sipas legjislacionit në fuqi. Këto kuota, trashëgimtarët ligjorë mund t'i mbajnë për vete ose mund t'ua kalojnë personave të tretë në përputhje me dispozitat ligjore në fuqi. Fillimisht, kuotat i ofrohen ortakëve të shoqërisë dhe në rast se ata nuk përgjigjen pozitivisht, atëherë mund t'u jepen personave të tretë edhe jashtë saj.

18.2 Trashëgimtarët mund të ushtrojnë të drejtën e përmendur në pikën 1 të këtij neni, brenda 30 (tridhjetë) ditëve nga data, në të cilën Noteri përkatës, sipas dispozitave të Kodit të Proçedurës Civile, lëshon dëshminë e trashëgimisë.

Neni 19.

Kostot e themelimit

19.1 Themeluesi mund t'i kërkojë shoqërisë rimbursimin e kostove të themelimit, deri në vlerën më të lartë.

19.2 Kostot e themelimit i paguhen themeluesit nga fitimet, që realizon shoqëria ose siç do të vendos vet themeluesi i Shoqërisë.

Neni 20.

Të drejtat e votës

20.1 Çdo kuotë kapitali në shoqëri, zotëruesit të saj i jep të drejtën e 1 (një) vote.

Neni 21.



Ndalimi i faljes së detyrimit mbi kontributet

21.1 Shoqëria nuk mund t'i falë detyrimin për të shlyer kontributet në para apo kalimin e kontributeve në natyrë të nënshkruara nga ortaku(ët), si dhe detyrimet e tjera, që rrjedhin nga mospërmbushja e detyrimit për shlyerje apo kalim të kontributit.

21.2 Ortaku(ët) nuk mund të kompensojnë të drejtat, që mund të kenë ndaj shoqërisë me detyrimin për shlyerjen apo kalimin e kontributit të nënshkruar, si dhe nuk mund t'i japin shoqërisë një kontribut të rënduar me barrë.

Neni 22.

Ndalimi i kthimit të kontributeve

22.1 Me përjashtim të rasteve të parashikuara në ligj, kontributet nuk mund t'u kthehen ortakut(ëve).

Neni 23.

Rezerva ligjore dhe rezervat e tjera

23.1 Nga fitimi pas tatimit të realizuar gjatë vitit financiar paraardhës, duke zbritur shpenzimet, shoqëria duhet të kalojë në rezervën ligjore, të paktën 5 (pesë) për qind të kësaj vlere, derisa kjo rezervë të jetë e barabartë me 10 (dhjetë) për qind të kapitalit të regjistruar të shoqërisë, apo me një vlerë më të lartë, siç do të vendosë ortaku(ët) ose organet e tjera që mund të krijohen në të ardhmen në Shoqëri.

23.2 Shoqëria llogarit dhe ndan dividendët, vetëm pasi nga fitimi vjetor të jenë zbritur shumat e caktuara për rezervat e përmendura në pikën 1 (një) të këtij neni.

Neni 24.

Deklarimi i dividendit

24.1 Dividendi është pjesa që i takon ortakut(ëve) nga vlera e fitimeve vjetore, e cila vendoset të shpërndahet nga ortaku ose organet e tjera të krijuara prej tij (tyre).

24.2 Fitimet vjetore llogariten në përputhje me parimet e përcaktuara nga ligji №. 9228, datë 29.4.2004 "Për kontabilitetin dhe pasqyrat financiare".

24.3 Dividendi shpërndahet në raport me vlerën e kapitalit themeltar të regjistruar nga ortaku (secili ortak).

Neni 25

Rikthimi i pagesave të paligjshme

25.1 Ortaku(ët) detyrohet(n) t'i kthejë(në) shoqërisë të gjitha shumat e përfituara nga ajo në kundërshtim me dispozitat e ligjit dhe të këtij Statuti.

Neni 26.

Organet e drejtimit të shoqërisë


26.1 a) Administratori(ët) dhe përfaqësuesi(t) ligjor(ë) të shoqërisë.

Neni 27.

Administratori(ët).

27.1 Përfaqësuesi ligjor i Shoqërisë "DONIKA OLIVE OIL" sh.pk është organi më i lartë i Shoqërisë dhe përbëhet nga ortaku i vetëm dhe themeluesi i saj, **BIANTI DANAJ**.

27.2 Administratori është përgjegjës direkt për marrjen e vendimeve për shoqërinë për çështjet e mëposhtme:

- 
- a) përcaktimin e politikave tregtare të shoqërisë;
 - b) ndryshimet e Statutit;
 - c) emërimin dhe shkarkimin e personave të punësuar në Shoqëri;
 - ç) emërimin e shkarkimin i likuiduesve dhe të ekspertëve kontabël të autorizuar;
 - d) përcaktimin e shpërblimeve për personat e përmendur në shkronjat “c” dhe “ç” të kësaj pike;
 - dh) mbikëqyrjen e zbatimit të politikave tregtare nga drejtori(ët) në qoftë se do të emërohen në të ardhmen, përfshirë përgatitjen e pasqyrave financiare vjetore dhe të raporteve të ecurisë së veprimtarisë;
 - e) miratimin e pasqyrave financiare vjetore dhe të raporteve të ecurisë së veprimtarisë;
 - ë) zmadhimin dhe zvogëlimin e kapitalit;
 - f) pjesëtimin e kuotave dhe anulimin e tyre;
 - g) përfaqësimin e shoqërisë në gjykatë dhe në procedimet e tjera ndaj Shoqërisë;
 - gj) riorganizimin dhe prishjen e shoqërisë;
 - h) miratimin e rregullave procedurale të mbledhjeve të ndryshme në Shoqëri;
 - i) çështje të tjera të parashikuara nga ligji apo Statuti.

27.3 Administratori merr vendime për çështjet e përcaktuara në shkronjat “e” dhe “ë” të pikës 1 të këtij neni, pas marrjes dhe shqyrtimit të dokumenteve përkatës.

27.4 Duke qënë që Shoqëria “**DONIKA OLIVE OIL**” sh.p.k zotërohet nga një ortak, ai si administrator i përgjithshëm ushtron të gjitha kompetencat që Ligji №.9901, datë 14.04.2008 “Për Tregtarët dhe Shoqëritë Tregtare”, përcakton për Asamblenë e Përgjithshme të Shoqërisë dhe ato të administratorit. Të gjitha vendimet e marra nga ortaku i vetëm regjistrohen në një regjistër të vendimeve, të dhënat e të cilit nuk mund të ndryshohen ose të fshihen. Duhet regjistruar në veçanti, por pa u kufizuar në to, vendimet për:

- a) miratimin e pasqyrave financiare vjetore dhe të raporteve të ecurisë së veprimtarisë;
- b) shpërndarjen e fitimeve vjetore dhe mbulimin e humbjeve;
- c) investimet;
- ç) vendimet për riorganizimin dhe prishjen e shoqërisë.

27.5 Vendimet e paregjistruara në regjistrin e vendimeve janë absolutisht të pavlefshme.

27.6 **BIANTI DANAJ** është **administratori** i Shoqërisë “**DONIKA OLIVE OIL**” sh.p.k dhe personi që **merret me drejtimin e përditshëm të shoqërisë**. **Afati i emërimit**, i cili caktohet në Statut, nuk mund të jetë më i gjatë se **5 (pesë) vjeçar**. Emërimi i administratorëve prodhon efekte pas regjistrimit në Qendrën Kombëtare të Biznesit. Me gjithë atë, Statuti mund të vendosë rregulla të posaçme për emërimin e administratorit(ëve).

27.7 Administratori(ët) e një shoqërie tregtare mëmë, sipas përcaktimit të nenit 207 të Ligjit “Për tregtarët dhe shoqëritë tregtare”, nuk mund të emërohen si administratorë të një shoqërie të kontrolluar e anasjelltas. Çdo emërim i bërë në kundërshtim me këto dispozita është i pavlefshëm.



27.8 Administratori(ët) kanë të drejtë dhe detyrohen të:

- a) kryejnë të gjitha veprimet e administrimit të përditshëm të veprimtarisë tregtare të shoqërisë, duke zbatuar politikat tregtare, të vendosura nga asambleja e përgjithshme;
- b) përfaqësojnë shoqërinë tregtare;
- c) kujdesen për mbajtjen e saktë e të rregullt të dokumenteve dhe të librave kontabël të shoqërisë;
- ç) përgatisin dhe nënshkruajnë bilancin vjetor, bilancin e konsoliduar dhe raportin e ecuresë së veprimtarisë dhe, së bashku me propozimet për shpërndarjen e fitimeve, i paraqesin këto dokumente përpara organit kompetent të shoqërisë.
- d) krijojnë një sistem paralajmërimi në kohën e duhur për rrethanat, që kërcënojnë mbarëvajtjen e veprimtarisë dhe ekzistencën e shoqërisë;
- dh) kryejnë regjistrimet dhe dërgojnë të dhënat e detyrueshme të shoqërisë, siç parashikohet në ligjin për “Qendrën Kombëtare të Biznesit”;
- e) raportojnë përpara çdo organi kompetent në lidhje me zbatimin e politikave tregtare dhe me realizimin e veprimeve të posaçme me rëndësi të veçantë për veprimtarinë e shoqërisë tregtare;
- ë) kryejnë detyra të tjera të përcaktuara në ligj dhe në Statut.

Neni 28.

Përfaqësimi

28.1 Kufizimet e të drejtave të përfaqësimit të administratorit(ëve) i kundrejtohen palëve të treta, në përputhje me dispozitat e nenit 12 të Ligjit “Për tregtarët dhe shoqëritë tregtare”.

28.2 Administratori(ët), që përfaqësojnë bashkërisht shoqërinë tregtare, mund të autorizojnë disa prej tyre për kryerjen e disa veprimeve të caktuara apo për kryerjen e disa kategorive të caktuara veprimesh.

28.3 Të drejtat e përfaqësimit të administratorit(ëve) dhe çdo ndryshim i tyre njoftohen për regjistrim pranë Qendrës Kombëtare të Biznesit.

Neni 29

Shpërblimi

29.1 Shpërblimit bazë të administratorit(ëve) mund t’i bëhen shtesa, që mund të jenë përqindje e ndonje fitimi tjetër. Shpërblimet e administratorit(ëve) përcaktohen me vendim të zakonshëm të organit përkatës të Shoqërisë.

29.2 Shpërblimi, sipas pikës 29.1 të këtij neni, duhet të jetë i përshtatshëm dhe në përputhje me detyrat e administratorit(ëve) dhe gjendjen financiare të shoqërisë.

29.3 Në qoftë se shoqëria është në vështirësi financiare, organi kompetent i Shoqëri mund të vendosë reduktimin e shpërblimit të administratorit(ëve) në masën e përshtatshme.

29.4 Kriteret e shpërblimit, shpërblimi individual dhe efekti vjetor i shpërblimit të administratorit(ëve) në strukturën e kostove të shoqërisë tregtare publikohen së bashku me pasqyrat financiare vjetore.

Neni 30

Detyrimi i besnikërisë dhe përgjegjësia

30.1 Përveç sa është parashikuar në dispozitat e përgjithshme të detyrimit të besnikërisë, sipas neneve 14, 15, 17 e 18 të Ligjit "Për tregtarët dhe shoqëritë tregtare", administratori(ët) detyrohen:

- a) të kryejë(në) me mirëbesim dhe në interes të shoqërisë detyrat e përcaktuara në ligj ose në Statut;
- b) të ushtrojë(në) kompetencat që u njihen në ligj ose në Statut vetëm për arritjen e qëllimeve të përcaktuara në këto dispozita;
- c) të vlerësojë(në) me përgjegjësi çështjet, për të cilat merret vendim;
- ç) të parandalojë(në) dhe mënjanojë(në) rastet e konfliktit, prezent apo të mundshëm, të interesave personalë me ato të shoqërisë;
- d) të garantojë(në) miratimin e marrëveshjeve sipas dispozitave të pikës 3 të nenit 13 të Ligjit "Për tregtarët dhe shoqëritë tregtare";
- dh) të ushtrojë(në) detyrat me profesionalizmin dhe kujdesin e nevojshëm.

30.2 Administratori(ët), gjatë kryerjes së detyrave, përgjigjet(en) ndaj shoqërisë për çdo veprim ose mosveprim.

30.3 Në qoftë se administratori(ët) vepron(jnë) në kundërshtim me detyrat dhe shkelin standardet profesionale, sipas pikave 30.1 dhe 30.2 të këtij Neni, është (janë) të detyruar t'i dëmshpërblejnë shoqërisë dëmet, që rrjedhin nga kryerja e shkeljes, si dhe t'i kalojë(në) çdo fitim personal që vjen nga këto veprime të parregullta.

30.4 Në mënyrë të veçantë, administratori(ët) është (janë) të detyruar t'i dëmshpërblejë(në) shoqërisë dëmet e shkaktuara, nëse ato kanë ardhur, në kundërshtim me dispozitat e Ligjit "Për tregtarët dhe shoqëritë tregtare".

Neni 31.

Prishja e Shoqërisë

Shkaqet e prishjes së shoqërisë

31.1 Shoqëria do të priset në këto raste:

- a) kur mbaron kohëzgjatja e parashikuar në themelimin e saj;
- b) me vendim të ortakut të vetëm (administratorit) të Shoqërisë;
- c) me hapjen e procedurave të falimentimit;
- ç) në qoftë se nuk ka kryer veprimtari tregtare për dy vjet dhe nuk është njoftuar pezullimi i veprimtarisë në përputhje me pikën 3 të nenit 43 të Ligjit №.9723, datë 03.05.2007 "Për Qendrën Kombëtare të Biznesit";
- d) me vendim të gjykatës;
- dh) për arsye të tjera të përligjura.

Neni 32.

Regjistrimi i shpërbërjes

32.1 Administratori(ët) regjistron(jnë) prishjen e shoqërisë pranë Qendrës Kombëtare të Biznesit, në përputhje me nenin 43 të Ligjit №. 9723, datë 03.05.2007 "Për Qendrën Kombëtare të Biznesit". Në qoftë se prishja e shoqërisë bëhet me vendim gjykate, gjykata, në përputhje me nenin 45 të ligjit №.9723, datë 03.05.2007 "Për Qendrën Kombëtare të Biznesit" ia njofton vendimin Qendrës Kombëtare të Biznesit për regjistrim.

Neni 33.

Likuidimi në gjendjen e aftësisë paguese

Buxh

33.1 Me përjashtim të rasteve kur është nisur një procedurë falimentimi, prishja e shoqërisë me përgjegjësi të kufizuar ka si pasojë hapjen e procedurave të likuidimit në gjendjen e aftësisë pagueuse, sipas neneve 190 deri në 205 të Ligjit "Për tregtarët dhe shoqëritë tregtare".

Neni 34.

Rregullorja.

34.1 Për mbarëvajtjen e veprimtarisë drejtuese të shoqërisë, administratori i saj duhet të marrë masa që të bëjë rregulloren e Shoqërisë. Vendimi për miratimin e rregullores merret nga ortaku i vetëm (administratori) i saj.

Neni 35.

Eksperti Kontabël i Autorizuar

35.1 Kontrolli i veprimtarisë së Shoqërisë ushtrohet nga një ose disa ekspertë të autorizuar, të cilët emërohen nga administratori i Shoqërisë dhe që misionin e tij(tyre) e kryen(jne) në përputhje me ligjislacionin në fuqi në Republikën e Shqipërisë.

Neni 36.

Emërimi i likuiduesve

36.1 Likuidimi i shoqërisë kryhet nga një ose disa likuiduesë të emëruar nga administratori (ortaku i vetëm) i Shoqërisë, në përputhje me dispozitat ligjore në fuqi.

36.2 Në rastet kur shoqëria prishet me vendim gjykate likuiduesin ose likuiduesit i emëron Gjykata.

Neni 37.

Regjistrimi pranë Qendrës Kombëtare të Biznesit

37.1 Administratori (ortaku i vetëm) i shoqërisë i njofton për regjistrim Qendrës Kombëtare të Biznesit, të dhënat e likuiduesve të parë dhe tagrat e tyre, për të përfaqësuar shoqërinë, së bashku me dokumentet përkatëse. Likuiduesit depozitojnë nënshkrimin e tyre. Likuiduesi(t) i njoftojnë, gjithashtu, Qendrës Kombëtare të Biznesit për regjistrim çdo ndryshim për identitetin dhe tagrat e tyre të përfaqësimit.

37.2 Me hapjen e procedurave të likuidimit, emri i regjistruar i shoqërisë në Qendrën Kombëtare të Biznesit ndiqet nga shënimi "në likuidim".

Neni 38.

Administrimi nga likuiduesit

38.1 Likuiduesi ose likuiduesit marrin përsipër të drejtat dhe detyrimet e administratorit(ëve) nga data e emërimit.

38.2 Në se shoqëria emëron më shumë se një likuidues, ata i ushtrojnë bashkërisht të drejtat dhe detyrimet. Likuiduesit mund të autorizojnë njërin prej tyre të kryejë veprime të një kategorie të posaçme.

38.3 Likuiduesit u nënshtrohen mbikëqyrjes së ortakut dhe organeve të tjera drejtuese që mund të krijojë shoqëria në të ardhmen.

Neni 39.

Llogaria Bankare e Shoqërisë.

39.1 Shoqëria hap llogari bankare si në Bankat Kombëtare Shqiptare, ashtu edhe në banka të tjera shtetërore apo private brënda dhe jashtë territorit të

Republikës së Shqipërisë, në lekë apo valutë të huaj, siç do ta shohë të arësyeshme ortakun (administratorin) i saj.

39.2 Shoqëria i mban llogaritë në lekë shqiptare ose në valutë të huaj sipas rastit që i paraqitet për veprime në vlera të ndryshme monetare.

39.3 Shpenzimet e shoqërisë në lekë apo në valutë të huaj, sigurohen nga arkëtimet e tregtimeve dhe shërbimeve të ndryshme që ajo kryen sipas objektit të saj të veprimtarisë ose nga mënyra të tjera që lejon legjislacioni shqiptar në fuqi.

Neni 40.

Viti ekonomik.

40.1 Viti ekonomik fillon më 01 Janar dhe mbaron më 31 dhjetor të çdo viti kalendarik, kurse për vitin 2018, qysh nga fillimi i veprimtarisë së Shoqërisë dhe përfundon më 31 Dhjetor 2018.

Neni 41.

Dhënia e llogarisë ekonomike.

41.1 Shoqëria funksionon në bazë të dispozitave ligjore ekonomike në fuqi në Republikën e Shqipërisë, të dispozitave të Aktit të themelimit dhe Statutit të krijimit të saj, si dhe të programeve të veçanta që do të hartojë ortakun (administratorin) i saj për çdo vit ekonomik.

41.2 Llogaria ekonomike e Shoqërisë mbështetet në llogaritë e shërbimeve dhe tregëtimeve të saj, si dhe të vetëfinancimeve që mbulon shpenzimet e veta, duke përfshirë ato në lekë dhe në valutë të huaj.

41.3 Për nxitjen ekonomike të veprimtarisë së Shoqërisë do të krijohen fonde rezervë dhe fonde të tjera të veçanta, sipas mundësive që i krijohen shoqërisë.

41.4 Mbajtja e kontabilitetit të Shoqërisë do të bëhet sipas rregullave, metodave dhe teknikave kontabël, veprimeve që ajo kryen, si dhe të ngjarjeve që i ndodhin gjatë ushtrimit të veprimtarisë së saj ekonomiko - financiare dhe tregëtare.

41.5 Kontabiliteti mbahet në gjuhën shqipe, në lekë shqiptare sipas rregullave dhe ligjeve në fuqi, si dhe në valutë të huaj për çka do ta shohin të arësyeshme organet e drejtimit të Shoqërisë.

41.6 Për mbajtjen e kontabilitetit do të përdoret çdo regjistër i detyrueshëm që parashikohet nga dispozitat e tjera ligjore në fuqi.

41.7 Forma e organizimit të kontabilitetit do të zgjidhet nga ortakun (administratorin) i Shoqërisë, duke patur parasysh që ajo të sigurojë:

- regjistrim të hollësishëm dhe kronologjik të të gjitha veprimeve dhe ngjarjeve që trajtohen në kontabilitet;
- ruajtjen e të dhenave dhe disponimin e tyre në çdo kohë;
- përgatitjen e dokumenteve përmbledhëse të parashikuara ose të kërkuara;
- kontrollin e saktësisë së të dhënave.

41.8 Çdo formë organizimi të kontabilitetit që do të përdoret, do të jetë e tillë që të mundësojë kryerjen e kontrollit të jashtëm në mënyrë të tillë që, çdo ekspert të nxjerrë nga librat kontabël, brenda një kohe të arësyeshme, një pamje të përgjithshme të veprimeve të kryera dhe të veprimtarisë së Shoqërisë.

41.9 Kontrolli i përgjithshëm dhe statistikor i shoqërisë bëhet mbi bazën e dispozitave ligjore në Republikën e Shqipërisë dhe ato që do të përcaktojnë herë

B. Xhaja

pas here ortaku (administratori) dhe organet e tjera të drejtimit që mund të krijohen në të ardhmen.

41.10 Kontrolli i librave kontabël bëhet çdo vit nga eksperti(ët) kontabël të autorizuar, i cili (të cilët) emërohen nga ortaku (administratori) i Shoqërisë, në përputhje me dispozitat ligjore në fuqi.

Neni 42.

Raporti vjetor.

42.1 Raporti vjetor i llogarisë së Shoqërisë do të paraqitet në formën dhe përmbajtjen e caktuar nga dispozitat ligjore në fuqi.

Neni 43.

Kreditë e Shoqërisë.

43.1 Shoqëria ka të drejtë të marrë kredi në lekë dhe në valutë të huaj si në Bankat Kombëtare Shqiptare, ashtu edhe në banka të tjera vëndase apo të huaja që ndodhen në Republikën e Shqipërisë, në përputhje me legjislacionin në fuqi, të rregullave të përcaktuara nga bankat, të dispozitave të këtij Statuti, si dhe të vendimeve që do të marrë ortaku (administratori) i shoqërisë.

Neni 44.

Zgjidhja e mosmarrëveshjeve.

44.1 Mosmarrëveshjet që mund të lindin midis personave të ndryshëm dhe Shoqërisë do të zgjidhen kryesisht mbi bazën e bisedimeve dashamirëse e me mirkuptim me njëri - tjetrin. Në qoftë kjo nuk mund të arrihet, atëhere pala e interesuar mund t'i drejtohet seksionit tregtar të gjykatës kompetente të juridiksionit të vendit (krahinës) ku kanë lindur mosmarrëveshjet, si dhe organeve të tjera ligjore me kompetenca më të larta për mbrojtjen e të drejtave të veta, në përputhje me dispozitat ligjore në fuqi.

Neni 45

Dispozita të fundit

45.1 Shoqëria ka vulen e saj.

45.2 Statuti hyn në fuqi qysh nga momenti i nënshkrimit në Zyrën e Noterisë, ku do të depozitohet ekzemplari i parë.

45.3 Në rastet e likuidimit perfundimtar të Shoqërisë sipas legjislacionit në fuqi, pushon se vepruari edhe ky Statut i saj.

45.4 Ky Statut u printua në pese ekzemplarë te barabartë dhe u nënshkrua nga themeluesi i Shoqërisë **“DONIKA OLIVE OIL”** – SH.P.K.

Një kopje e këtij Statuti do të depozitohet pranë Qendrës Kombëtare të Biznesit

ORTAK I VETEM

I SHOQERISE **“DONIKA OLIVE OIL”** – SH.P.K.

BIANTI DANAJ

Bianti Danaj
Bykuj

REPUBLIKA E SHQIPËRISË
DHOMA KOMBËTARE E NOTERISË
DEGA VENDORE TIRANË
NOTER ARTEMISA V. MEÇAJ (ARAPI)



V2023050640071062554

DATE 10/07/2023
NR REP 1090

VERTETIM NENSHKRIMI

Sot, më datë 10.07.2023, para meje Notere ARTEMISA V. MEÇAJ (ARAPI), anëtare në Dhomën Kombëtare të Noterisë, Dega Vendore TIRANË, me zyrë në adresën Tirane, NR.10, RR. E DURRESIT, NR.81, u paraqit personalisht:

KËRKUES:

Z. BIANTI DANAJ, atësia Sadrit, amësia Erida, shtetas Shqiptar, lindur në Ft.Lauderdale, Shtetet e Bashkuara të Amerikës (USA) dhe banues në VLORË, me adresë Nermin Vlora Falaski 04140317; Nd. 34; H. 2; Ap. 7; Vlorë; Vlorë; 9402; Vlorë, lindur më 02/07/2002, gjendja civile “beqar”, madhor, me zotësi të plotë juridike për të vepruar, për identitetin e të cilit u garantova me Leternjoftim ID nr. 037270256 dhe nr. personal K20702073B.

I lartpërmenduri më deklaroi se dokumentin e mesiperm “Statut” i Shoqërisë “**DONIKA OLIVE OIL**” – SH.P.K., “Shoqëri në krijim e sipër”, e ka redaktuar me vullnetin e tij të lirë dhe të plotë jashtë kësaj zyre dhe e nënshkroi në praninë time, ndërsa unë, Noterja, në përputhje të plotë me nenin 62, 63 e vijues të ligjit nr. 110/2018 “Për Noterinë”, vërtetoj nënshkrimin e tij.

NOTERE



Artemisa Meçaj (Arapi)

[Signature]